

KONVENCIJE O ZAŠTITI MATERINSTVA, 3, 1919

Član 1

1. U svrhe ove Konvencije, izraz "privredno preduzeće" podrazumijeva posebno
 - (a) rudokope, kamenolome i druge poslove na izvlačenju minerala iz zemlje;
 - (b) grane privrede u kojima se predmeti proizvode, prerađuju, čiste, porpavljaju, ukrašavaju, obrađuju, adaptiraju za prodaju, razbijaju ili demoliraju, ili u kojima se materijali preobrađuju; uključujući brodogradnju i proizvodnju, transformaciju i transmisiju struje ili električna vuča bilo koje vrste;
 - (c) izgradnju, rekonstrukciju, održavanje, opravku, preradu ili demoliranje bilo koje građevine, željezničke pruge, tramvajske pruge, luke, pristaništa, brane, kanala, vodenih puteva, ili druge poslove izgradnje, kao i pripremu za postavljanje osnove za bilo koji takav posao ili strukturu;
 - (d) prevoz putnika ili robe drumskim, željezničkim, morskim ili riječnim saobraćajem, uključujući i upravljanje robom na pristaništima, molovima, dokovima i magacinima, isključujući nošenje.
2. U svrhe ove Konvencije, izraz "privredno preduzeće" podrazumijeva bilo koje mjesto gdje se predmeti prodaju ili gdje se dovija trgovina.
3. Nadležno tijelo svake države dužno je definisati granicu koja odvaja industriju i trgovinu od poljoprivrede.

Član 2

U svrhe ove Konvencije, izraz "žena" označava svaku žensku osobu, bez obzira na starost nacionalnost i bračno stanje, a izraz "dijete" označava svako dijete bez obzira da li je zakonito ili nezakonito.

Član 3

U svakom državnom ili privatnom industrijskom ili privrednom preduzeću, ili bilo kojoj njihovoj grani, osim ako se radi o preduzeću u kojem su zaposleni samo članovi iste porodice, žena –

- a) ne smije raditi šest sedmica nakon porođaja;
- b) ima pravo da odsustvuje s posla ukoliko donese ljekarsko uvjerenje da će se porođaj obaviti u narednih šest nedjelja;
- c) za vrijeme odsustva sa posla shodno stavovima (a) i (b), ima pravo na beneficije za kompletno održavanje sopstvenog zdravlja i zdravlja svoga djeteta, bilo iz državnih fondova ili preko sistema osiguranja, čiji tačan iznos utvrđuje nadležni organ u svakoj

- državi, i ima pravo na dodatnu beneficiju u vidu besplatne posjete doktora ili ovlaštene babice; greška medicinskog savjetnika u procjeni datuma porođaja ne ukida pravo žene na primanje ovih beneficija od datuma ljekarskog uvjerenja do stvarnog datuma porođaja;
- d) ima pravo, ukoliko doji dijete, da u ove svrhe iskoristi polučasovnu pauzu dva puta dnevno u toku radnog vremena.

Član 4

Ukoliko je žena odsutna sa posla shodno stavovima (a) ili (b) Člana 3 ove Konvencije, ili odsustvuje s posla duže vrijeme usljed bolesti za koju je dostavila ljekarsko uvjerenje da je nastala u toku trudnoće ili porođaja, sve dok njeno odsustvo ne prevaziđe maksimalan vremenski period koji u svakoj državi utvrđuje nadležno tijelo, poslodavac ne smije uručiti rješenje o otkazu za vrijeme takvog odsustva, niti smije uručiti rješenje o otkazu koje ističe za vrijeme takvog odsustva.

Član 5

Službena ratifikovanja ove konvencije u uslovima utvrđenim Ustavom MOR, dostavljaju se generalnom direktoru Međunarodnog biroa koji će ih registrovati.